



Adresa: **Ul. Hamdije Čemerlića 39a**

<http://www.voda.ba>

tel. +387 33 726 400

fax. +387 33 726 423

e – mail: info@voda.ba

Broj: **UP-I/25-1-40-286-4/21**

Datum: **09.07.2021. godine**

«Agencija za vodno područje rijeke Save» Sarajevo rješavajući po službenom zahtjevu Ministarstva za prostorno uređenje, promet i komunikacije i zaštitu okoline Zeničko-dobojskog kantona za izdavanje prethodne vodne saglasnosti pravnom licu «TING» d.o.o. Žepče za ispuštanje tehnoloških otpadnih voda sa lokaliteta Tvornice betonskih proizvoda sa betonarom koja se planira graditi u naselju Tatarbudžak, općina Žepče, na osnovu člana 110. stav (3) Zakona o vodama («Službene novine Federacije BiH», broj 70/06) i člana 218. stav (2) Zakona o upravnom postupku («Službene novine Federacije BiH», broj 2/98, 48/99), donosi

ZAKLJUČAK

1. Odbacuje se zahtjev pravnog lica «TING» d.o.o. Žepče za izdavanje prethodne vodne saglasnosti za ispuštanje tehnoloških otpadnih voda sa lokaliteta Tvornice betonskih proizvoda sa betonarom koja se planira graditi na zemljištu označenom kao k.č. broj: 58/27, 58/29 i 58/37 (što odgovara novom k.č. 306) K.O. Tatarbudžak, općina Žepče, s obzirom da za predmetnu aktivnost, a u skladu s odredbama člana 110. stav (3) Zakona o vodama, nije propisana obaveza pribavljanja vodnih akata.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovaj Zaključak može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Ovoj Agenciji je, dana 29.06.2021. godine, od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona po službenoj dužnosti podnesen zahtjev u ime pravnog lica «TING» d.o.o. Žepče za izdavanje prethodne vodne saglasnosti za ispuštanje tehnoloških otpadnih voda sa lokaliteta Tvornice betonskih proizvoda sa betonarom koja se planira graditi u naselju Tatarbudžak, općina Žepče.

U provedenom postupku dostavljena je i pregledana sljedeća dokumentacija:

- Kopija katastarskog plana, K.O. Tatarbudžak, broj plana: LD Zavidovići 42-6 i 42-9 izdatog 24.05.2021. godine od strane Službe graditeljstva i prostornig uređenja – katastar- Općine Žepče,
- Kopija Posjedovnog lista broj 343, K.O. Tatarbudžak, broj: 03-30-1-1620/21 izdatog 24.05.2021. godine od strane Službe graditeljstva i prostornig uređenja Općine Žepče,
- Kopija Zemljišnoknjižnog izvotka, K.O. SP Tatarbudžak, broj: 044-0-NAR-21-000 195 izdatog 07.06.2021. godine od strane Zemljišnoknjižnog ureda Općinskog suda u Žepču,
- Izvod iz Prostorno Planske dokumentacije Općine Žepče sa stručnim mišljenje o usaglašenosti planiranih aktivnosti sa prostorno-planskom dokumentacijom, broj: 03-19-4-4-42/21 izdat 16.06.2021.godine od strane Službe graditeljstva i prostornig uređenja Općine Žepče,
- Idejni projekat TBP Tvornice betonskih proizvoda, broj: 3E-1-069/21 urađen juna 2021. godine od strane «TING» d.o.o. Žepče,
- Komunalna saglasnost na lokaciju za priključak tehnoloških i sanitarnih voda na gradsku mrežu, u naselju Tatarbudžak, Općina Žepče, broj: 1491/210 izdata 08.07.2021.godine od strane JP «Komunalno» d.o.o. Žepče.

Na osnovu dostavljene dokumentacije utvrđeno je sljedeće:

U naselju Tatarbudžak, na zemljištu označenom kao k.č. broj: 58/27, 58/29 i 58/37 (što odgovara novom k.č. 306) K.O. Tatarbudžak, općina Žepče, planira se izgradnja Tvornice betonskih proizvoda sa betonarom.

Predmetni lokalitet se ne nalazi u vodnom dobru niti u poplavnom području vodotoka I kategorije. Snabdijevanje vodom za sanitarne i tehnološke potrebe biće obezbijedeno sa gradskog vodovoda. Sanitarne-fekalne kao i tehnološke otpadne vode sa lokaliteta planiranog kompleksa priključiće se na gradsku kanalizaciju. Priključci na gradsku vodovodnu i kanizacionu mrežu uradiće se u skladu sa uslovima iz komunalne saglasnosti izdate od strane JP «Komunalno» d.o.o. Žepče.

Operator kanizacionog sistema (JP «Komunalno» d.o.o. Žepče), posjeduje Rješenje o vodnoj dozvoli broj: UP-I/25-3-40-231-4/19 za ispuštanje komunalnih otpadnih voda sa postrojenja za tretman otpadnih voda u površinske vode, izdato dana 22.07.2019. godine od strane ove Agencije u kojem su utvrđeni uslovi pod kojima se isto izdalo, a koje je operator dužan ispunjavati u toku važenja Rješenja.

Iz razloga naprijed navedenih, a u skladu s članom 110. stav (3) Zakona o vodama («Službene novine Federacije BiH», broj 70/06) i članom 218. stav (2) Zakona o upravnom postupku («Službene novine Federacije BiH», broj 2/98 i 48/99) riješeno je kao u dispozitivu Zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ.



Po ovlaštenju

Rukovodilac sektora za izdavanje vodnih akata

Haris Ališehović

Haris Ališehović, dipl.ing.građ.

Dostaviti:

- «TING» d.o.o. Žepče
ul. Kulina bana bb, 72230 Žepče
- Ministarstvu za prostorno uređenje, promet i komunikacije
i zaštitu okoline Zeničko-dobojskog kantona
ul. Kučukovići br. 2, 72000 Zenica
- AVP, ISV – Vodna knjiga
- Sektor 40, arhiva
- Oglasna ploča, AVP Sava